

Wag vnd Gewicht.

descension, oder niedersteigung / in solcher beyden position gleicher
krümme gebogen seind / vnd dasselbige Corpus an seiner statt oder an
dem ort / dahin es niedergefahren ist / oder ligt / die wenigste gebogene
descension habe.

Die V. Petition.

Dargegen wiederumb wil ich bedingt haben vnd gesetzt / das ein
Corpus nicht also schwer sey als ein anders / des ortz oder stan-
des halben / wenn solches am andern arm des Wagbalkens angehen-
get / gegen diesem eine widerwertige bewegung thut / also wenn das-
selbe vnter sich fehret / das es dieses vberwege / vnd vber sich treibe / in
die höhe / aber dargegen wiederumb / aber solchs wird niemands leu-
gnen mögen / denn es klerlich für augen gesehen werden mag / an jede-
rer Wagen.

Die VI. Petition.

Im letzten wil ich bedingt vnd für warhafftig gesetzt haben / das
kein Corpus oder Körperlich ding in sich selbst schwehr sey. Als
Wasser in Wasser / Wein in Wein / Del in Del / Luft in Luft / ha-
ben keine schwere.